



ПСАЛТИРЬ

с приложением
заупокойных молитвословий



ИЗДАТЕЛЬСТВО МОСКОВСКОЙ ПАТРИАРХИИ
РУССКОЙ ПРАВОСЛАВНОЙ ЦЕРКВИ
2019

УДК 27–528
ББК 86 372
П 86



ПОСЛЕДОВАНИЕ ПО ИСХОДЕ ДУШИ ОТ ТЕЛА

Рекомендовано к публикации
Издательским Советом
Русской Православной Церкви
ИС Р19–903–3052

Когда душа разлучится с телом, тотчас иерей* **начинает: Благословён Бог: Трисвятóе. И по Óтче наш. Яко Твоё есть Цáрство:**

Если нет священника, начинаем так: **Моли́твами святых отец наших, Господи Иисусе Христе́ Бо́же наш, помилуй нас.**

Святый Бо́же, Святый Кре́пкий, Святый Безсме́ртный, помилуй нас. Трижды.

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

Пресвятáя Трѳице, помилуй нас: Господи, очисти грехи́ наша; Влады́ко, прости́ беззакѳния наша; Святый, посети́ и исцели́ немо́щи наша, имене Твоего́ ра́ди.

Господи, помилуй. Трижды.

Сла́ва, и ны́не:**

Óтче наш, И́же еси́ на Небесе́х, да святѳтся и́мя Твоё, да приидет Цáрствие Твоё, да

*Если нет возможности обратиться к священнику, чин может совершать мирянин.

**Когда написано: «Сла́ва:», следует читать: Сла́ва Отцу́, и Сы́ну, и Свято́му Ду́ху; «И ны́не:» – И ны́не и прісно, и во ве́ки веко́в. Ами́нь. Соответственно, «Сла́ва, и ны́не:» читается полностью: Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

Псалтирь с приложением заупокойных молитво-
П 86 словий. – М.: Издательство Московской Патриархии
Русской Православной Церкви, 2019. – 320 с.

© Издательство Московской
Патриархии Русской
Православной Церкви, 2019

ISBN 978–5–88017–781–3

будет воля Твоя, яко на Небесі, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Затем тропарі, глас 4:

Со дүхи праведных скончавшихся дүшу раба Твоего, Спасе, упокой, сохраняя ю во блаженной жизни, яже у Тебе, Человеколюбче.

В покаянии Твоем, Господи, идеже вси святїи Твой упокоеваются, упокой и дүшу раба Твоего, яко Един еси Человеколюбец.

Слава: Ты еси Бог, сошедый во ад и ўзы оконных разрешивый, Сам и дүшу раба Твоего упокой.

И ныне: Еди́на Чистая и Непорочная Дево, Бога без семени рождающая, моли спастися души его́.

Затем иерей произносит ектению:

Помилуй нас, Боже, по велицей милости Твоей, молим Ти ся, услыши и помилуй.

Господи, помилуй. Трижды.

Еще молимся о упокоении души усопшаго раба Божия **имярек** и о еже проститися ему́ всякому прегрешению, вольному же и невольному.

Господи, помилуй. Трижды.

Яко да Господь Бог учинит дүшу его́, идеже праведнии упокоеваются.

Господи, помилуй. Трижды.

Милости Божия, Царства Небеснаго и оставления грехов его́ у Христа́ Безсмертнаго Царя́ и Бога нашего просим.

Подай, Господи.

Иерей: Господу помолимся.

Хор: Господи, помилуй.

Иерей:

Боже духов и всякия плоти, смерть поправый, и диавола упразднивый, и живот миру Твоему́ даровавый, Сам, Господи, покой дүшу усопшаго раба Твоего **имярек** в месте светле, в месте злачне, в месте покойне, отнюдуже отбеже болезнь, печаль и воздыхание, всякое согрешение, содеянное им словом, или делом, или помышлением, яко Благий Человеколюбец Бог, прости: яко несть человек, иже жив будет, и не согрешит. Ты бо Един кроме греха, правда Твоя, правда во веки, и слово Твое истина.

Яко Ты еси Воскресение и Живо́т, и Покой усопшаго раба Твоего **имярек**, Христэ́ Боже наш, и Тебе славу возсылаем, со Безначальным Твоим Отцем, и Пресвятым, и Благим, и Живо́творящим Твоим Дүхом, ныне и присно и во веки веков.

Хор: Аминь.

Псалом 90-й: Живый в помощи: (с. 140).

И тотчас канон.

Канон за преставльшагося

Глас 8

Песнь 1

Ирмос: Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

Припев: Покой, Господи, душу усопшаго раба Твоего.

Отверз уста моя, Спасе, слово ми подаждь молитися, Милосерде, о ныне преставленном, да покоиши душу его, Владыко.

Покой, Господи, душу усопшаго раба Твоего.

Мертв быв плотию, Спасе, и во гробе положен с мертвыми, душу раба Твоего покой в месте злачне, яко Милосерд.

Слава Отцу, и Сыну, и Святому Духу.

Молэбный глас мой услыши, Бже Триипостасне, и учини душу преставленнаго в недрах Авраамлих, Избавителю.

И ныне и присно, и во веки веков. Аминь.

Ты, Пречистая Богородице, Егоже без искуса мужеска зачэнши родила еси, моли Сына Твоего подати покой рабу Твоему преставленному.

Песнь 3

Ирмос: Небснаго круга Верхотворче Господи и Церкви Зиждителю, Ты мене утверди в любви Твоей, желаний краю, верных утверждение, Едины Человеческолюбче.

Покой, Господи, душу усопшаго раба Твоего.

В месте злачне, в месте покойне, идеже лица святых веселятся, душу раба Твоего преставленнаго покой, Христе, Едины Милостиве.

Покой, Господи, душу усопшаго раба Твоего.

Идеже лица святых, тамо вчини, Владыко, послужившаго Тебе всем сердцем и воздвигшаго иго Твое на рамо свое, яко Един Владыка живота и смерти.

Слава Отцу, и Сыну, и Святому Духу.

Небсный Отче Вседержителю, и Сыне Единородный, и Духе Святой Исходный, презри умершаго согрешения и в Церкви первенец всели его славити Тя со всеми угождшими Тебе.

И ныне и присно, и во веки веков. Аминь.

Яко Мати Святаы Пресвятаго Бога, Владычице всяческих, Марие Богородице, со всеми святыми Сего моли душу покоити раба Твоего в Небсных селениях.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Покой, Господи, душу усопшаго раба Твоего.

Сошедый в преисподняя, Христе, совоздвигл еси умершия вся, и преставльшагося от нас покой, Спасе, яко Щедр.

Покой, Господи, душу усопшаго раба Твоего.

Никтоже без греха есть, токмо Ты Един, Владыко, сего ради преставленному и грехи остави, и в рай того всели.

Слава Отцѹ, и Сыну, и Святому Дѹху.

Услѣши, Трѳице Святаѹ, гласы молѣбныя, приносимыя Тебѣ в цѣркви о усѳпшем, и Богдачальным Твоим свѣтом озари дѹшу, омраченную сѹетными привержѣнии.

И ныне и присно, и во веки веков. Аминь.

Родила еси, Пречистая, без мужеска семене, Бога Совершенна и Человека Совершенна, взѣмлющаго грехи наша, Дѣво. Того моли, Госпоже, преставльшемуся рабу Твоему подати покой.

Песнь 5

Ирмос: Просвети нас повелѣнии Твоими, Господи, и мѣщцею Твоею высокою Твой мир подаждь нам, Человеколюбче.

Покой, Господи, дѹшу усѳпшаго раба Твоего.

Имый животѹ и смѣрти власть, преставленнаго от нас покой, Христѣ Бже. Ты бо еси всех, Спасе, Покой и Живѳт.

Покой, Господи, дѹшу усѳпшаго раба Твоего.

На Тя, Спасе, надежду возложь, умерый отыде от нас, Ты же, Господи, ущѣдри его, яко Бог Многомилостив.

Слава Отцѹ, и Сыну, и Святому Дѹху.

Просвети нас, Трисвяте, воспеаемый Владыко, молящихся Тебѣ, мир Небесный прияти, и в мирных сѣлех дѹшу вчини, отшедшую от временных, в надежде безконечныя жизни.

И ныне и присно, и во веки веков. Аминь.

Шѹяго стояния, Пречистая, избавити преставленнаго умоли Сына Твоего, Дѣво Госпоже, яко Спасе и Бога нашего Мати Сущая.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися и живѳт мой аду приближися, и молюся, яко Иѳна: от тли, Бже, возведи мя.

Покой, Господи, дѹшу усѳпшаго раба Твоего.

Ада испроверг, Владыко, воскресил еси умершия от века и ныне преставленнаго от нас в недро Авраамле Ты, Бже, всели, прегрешѣния вся отпустив, яко Милосѣрд.

Покой, Господи, дѹшу усѳпшаго раба Твоего.

Заповедь, юже ми дал еси, Бже, преступих и смѣртен бых, но Ты, Бже, сошедый во гроб и дѹши яже от века воскресивый, не возстави мене, Владыко, на мучѣние, но на покой, преставленный вопиѣт Тебѣ нами, Многомилостиве.

Слава Отцѹ, и Сыну, и Святому Дѹху.

Молим Тя, Безначальне Отче, и Сыне, и Дѹше Святой, злобою душезлѳбнаго мира озлѳбленную и к Тебѣ Зиждителю прешедшую дѹшу во адово дно не отрини, Бже, Спасе мой.

И ныне и присно, и во веки веков. Аминь.

С Небесѣ Христѳс Бог наш, яко дождь на руно, Пречистая, сниде на Тя, напаяя весь мир и изсушая вся безбѳжныя потоки, наводняяй всю зѣмлю разумом Своим, Приснодѣво, Того моли дати покой преставленному рабу Твоему.

Конда́к, глас 8

Со святы́ми упоко́й, Христе́, ду́шу раба́ Твоего́, иде́же несть боле́знь, ни печа́ль, ни возды́хание, но жизнь безконече́ная.

И́кос

Сам еди́н еси́ Безсме́ртный, сотвори́вый и созда́вый челове́ка, земнии́ убо́ от земли́ созда́хомся и в зе́млю ту́южде по́йдем, яко́ же повеле́л еси́, созда́вый мя, и реки́й ми: яко́ земля́ еси́ и в зе́млю оты́деша, а́може вси́ челове́цы по́йдем, надгробно́е рыда́ние творя́ще песнь: Аллилу́ия, аллилу́ия, аллилу́ия.

Песнь 7

Ирмо́с: От Иуде́и доше́дше о́троцы, в Вавило́не ино́гда, ве́рою Трѳическою́ пла́мень пе́щный попра́ша, пою́ще: отце́в Бо́же, благослове́н еси́.

Покѳ́й, Го́споди, ду́шу усо́пшаго раба́ Твоего́.

Влады́ко Христе́ Бо́же, егда́ хо́щеша суди́ти ми́ру, пощади́ ду́шу раба́ Твоего́, е́гоже от нас прия́л еси́, вопию́щаго: оте́ц на́ших Бо́же, благослове́н еси́.

Покѳ́й, Го́споди, ду́шу усо́пшаго раба́ Твоего́.

В пи́щи райсте́й, иде́же пра́ведных ду́ши веселя́тся послуживших Тебе́, причти́ с ни́ми, Христе́, ду́шу раба́ Твоего́, воспѳ́вшаго: оте́ц наших Бо́же, благослове́н еси́.

Сла́ва Отцу́, и Сы́ну, и Свято́му Ду́ху.

Иуде́йския́ три о́троки спасы́й во огни́, в три́ех ли́цах воспѳ́тый, изба́ви огня́ ве́чнаго

усѳ́пшаго, воспѳ́вшаго Ти ве́рно: оте́ц на́ших Бо́же, благослове́н еси́.

И ны́не и при́сно, и во ве́ки веко́в. Ами́нь.

Иса́ия Тя Жезл наре́че, Чи́стая, Дани́ил же Го́ру несекѳ́мую, Иезе́кииль же Дверь, из Нея́ же про́йде Христѳ́с, мы же Тя, и́стинную Бого́родицу имену́юще, велича́ем.

Песнь 8

Ирмо́с: Седмери́цею пещь халде́йский мучи́тель богочестивым неистовно́ разже́, си́лою же лу́чшею спасе́ны сия́ ви́дев, Твори́цу и Иза́вителю вопия́ше: о́троцы, благослови́те, священни́цы, воспѳ́йте, лю́дие, превозноси́те во вся ве́ки.

Покѳ́й, Го́споди, ду́шу усо́пшаго раба́ Твоего́.

Сконча́в течѳ́ние и к Тебе́ прибе́гох, Го́споди, предста́вленный вопи́ет ны́не: прегреше́ния оста́ви, Христе́ Бо́же, и не осуди́ мене́, егда́ хо́щеша суди́ти всем, ве́рно бо Тебе́ взыва́х: вся дела́ Господня́, Го́спода по́йте и превозноси́те Е́го во ве́ки.

Покѳ́й, Го́споди, ду́шу усо́пшаго раба́ Твоего́.

Понѳ́сшаго, Влады́ко, и́го Твое́ на ра́ме своём и бре́мя Твое́ лёгкое, а́ще и не всегда́, о́баче в ме́сте преподо́бных Твои́х всели́ ду́шу е́го, воспѳ́вшаго Тебе́, Христе́ Спа́се: о́троцы, благослови́те, священни́цы, воспѳ́йте, лю́дие, превозноси́те Е́го во ве́ки.

Благослови́м Отца́, и Сы́на, и Свята́го Ду́ха, Го́спода.

Безнача́льная Трѳи́це Свята́я, Бо́же О́тче, и Сы́не, и Ду́ше Святы́й, в ли́це святы́х причти́

душу престáвленнаго раба́ Твоего́ и огня́ вѣчнаго избáви, да Тя хва́лит, воспева́я во вѣки: о́троцы, благослови́те, священни́цы, воспой́те, лю́дие, превозноси́те Его́ во вѣки.

И ны́не и прѣсно, и во вѣки веко́в. Ами́нь.

Тя, Де́во, проро́честии ли́цы прорекóша, прозря́ще бо Тя прозорли́выма очѣма: овъ́бо Жезл нарече́ Тя, ин же Дверь Востóчную, овъ́же Го́ру челове́ки несекóмую. Мы же испове́дуем Тя воистину́ Богороди́цу, Бо́га вся́ческих ро́ждшую, Его́же моли́ упоко́ити престáвленнаго во вѣки вся.

Песнь 9

Ирмо́с: Ужасе́ся о семъ́ небо, и земли́ удиви́шася концы́, яко́ Бог яви́ся челове́ком плóтски, и чре́во Твое́ бысть пространне́йшее Небѣс. Темъ́ Тя, Богороди́цу, Ангеловъ́ и челове́к чиноначáлия велича́ют.

Покóй, Го́споди, ду́шу усо́пшаго раба́ Твоего́.

Иисúсе́ Бо́же мой, Спа́се, Ада́мле Ты взял еси́ преступле́ние и сме́рти вкуси́л еси́, да челове́ки от не́я свободи́ши, Милосе́рде. Те́мже мо́лим Тя, Мѣлостиве: престáвленнаго покóй, яко́ Благ, во двóрехъ святы́хъ Твои́х, яко́ Еди́н Всеблагѣ́й и Милосе́рдый.

Покóй, Го́споди, ду́шу усо́пшаго раба́ Твоего́.

Нестъ́ никто́же, Милосе́рде, и́же не согрешѣ́ в челове́цехъ, то́кмо Ты Еди́н, Иисúсе́ Христе́, взѣмля́й грехи́ всего́ ми́ра. Те́мже, очѣсти́в раба́ Твоего́ от прегрешѣ́ний, вчини́ во свя-

ты́х Твои́х двóрехъ: Ты бо Живóт еси́, и Покóй, и Свет, и Весѣ́лие всехъ Тебе́ благоугоди́вшихъ.

Сла́ва Отцу́, и Сы́ну, и Свято́му Ду́ху.

Удиви́ся все естество́ челове́ческое, ка́ко Безнача́льнаго Отца́ Сынъ́ Сый Единоро́дный, плоть от Де́вы де́йствомъ́ Свята́го Ду́ха прия́л еси́, и пострада́л еси́ яко́ челове́к, да умѣрши́я оживи́ши. Темъ́ и престáвленнаго ны́не от нас, приле́жно мо́лим Тя, во стране́ живы́хъ, яко́ Благ, всели́.

И ны́не и прѣсно, и во вѣки веко́в. Ами́нь.

Невѣсту́ Тя нарица́ем, Пречѣ́стая, Отца́ невидима́го, и Ма́терь Сы́на, из Тебе́ Ду́хомъ́ Святы́мъ́ воплоще́ннаго, и моле́бницу Ты о усо́пшемъ́ рабе́ Твое́мъ́ предлага́ем: Тебе́ бо Помо́щницу йма́мы земни́и и любóвию пою́ще Тя велича́ем.

Та́же: Досто́йно есть́ яко́ воистину́ блажи́ти Тя, Богороди́цу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафѣ́м, без ислѣ́ния Бо́га Сло́ва ро́ждшую, су́щую Богороди́цу Ты велича́ем.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды.**

Сла́ва Отцу́, и Сы́ну, и Свято́му Ду́ху, и ны́не и прѣсно, и во вѣки веко́в. Ами́нь.

Пресвята́я Трóице, поми́луй нас: Го́споди, очѣсти́ грехи́ на́ша; Влады́ко, прости́ беззакóнныя на́ша; Святы́й, посети́ и исцели́ немо́щи на́ша, имене́ Твоего́ ра́ди.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарь, глас 6

Един естеством Сый Животворец, Христэ, и благи воистину неизследимая пучина, ныне преставльшагося раба Твоего Царствия Твоего сподоби: Ты бо Един еси имей множество щедрот и безсмертие.

Слава, и ныне, Богородичен

Источник живота рождающая, Владычице, Избавителя миру Иисуса Господа, Того прилежно моли безконечнаго живота преставльшагося ныне раба Твоего сподобити: Ты бо христиан едина еси известнейшая Помощница.

Господи, помилуй. *12 раз.*

Молитва



омняни, Господи Боже наш, в вере и надежди живота вечнаго преставльшагося раба Твоего, брата нашего *(или: преставльшуюся рабу Твою, сестру нашу)* имярек, и яко Благ и Человеколюбец, отпушаяя

грехи и потребляя неправды, ослаби, остави и прости вся вольная его *(или: ей)* согрешения и невольная, избави его *(или: ю)* вечныя муки и огня геенскаго, и даруй ему *(или: ей)* причастие и наслаждение вечных Твоих благих, уготованных любящим Тя: аще бо и согрешит, но не отступит от Тебе, и несумненно во Отца, и Сына, и Святаго Духа, Бога Тя в Троице славимаго, верова, и Единицу в Троице и Троицу во Единстве, православно даже до последнего своего издыхания исповеда. Темже милостив тому *(или: той)* буди, и веру, яже в Тя, вместо дел вмени, и со святыми Твоими яко Щедр упокой: несть бо человека, иже поживет и не согрешит. Но Ты Един еси кроме всякаго греха, и правда Твоя, правда во веки, и Ты еси Един Бог милостей, и щедрот, и человеколюбия, и Тебе славу возсылаем, Отцу, и Сыну, и Святому Духу, ныне и присно, и во веки веков. Аминь.

Иерей: Премудрость.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Иерей: Слава Тебе, Христэ Боже, упование наше, слава Тебе.

Слава Отцу, и Сыну, и Святому Духу, и ныне и присно, и во веки веков. Аминь.

Господи, помилуй. *Трижды. Благословий.*

Иерей творит отпуст:

Воскресый из мертвых Христос Истинный Бог наш молитвами Пречистой Своей Матере, святых слavnых и всехвалных апостол, преподобных и богоносных отцев наших и всех святых, душу от нас преставляшагося раба Своего в селениях праведных учинит, и в недрах Авраама упокоит, и с праведными причтет, и нас помилует, яко Благ и Человеколюбец. Аминь.

Иерей: Во блаженном успении, вечный покой подаждь, Господи, усопшему рабу Твоему **имярек** и сотвори ему вечную память.

Вечная память. Трижды.



МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ

Разумно да будет, како подобает
особь пети Псалтирь

Аще иерей, глаголет:

Благословен Бог наш, всегда, ныне и присно, и во веки веков.

Аще ли ни, глаголи умиленно:

Молитвами святых отцев наших, Господи Иисусе Христе Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.*

Святой Боже, Святой Крепкий, Святой Безсмертный, помилуй нас. Трижды.

Слава Отцу, и Сыну, и Святому Духу, и ныне и присно, и во веки веков. Аминь.

* От Пасхи до Вознесения вместо этой молитвы читается тропарь:

«Христос воскрес из мертвых, смертию смерть поправ и сущим во гробех живот даровав». Трижды.

От Вознесения до Троицы после предначинательной молитвы: «Молитвами святых отцев наших:» сразу читается «Святой Боже:»

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарі, глас 6

Помилуй нас, Господи, помилуй нас; всякого бо ответа недоумюще, сию Ти молитву, яко Владыце, грешнии приносим: помилуй нас.

Слава Отцу, и Сыну, и Святому Духу.

Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: аллилуйя.

И ныне и присно, и во веки веков. Аминь.

Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, едина Благословенная.

Господи, помилуй. 40 раз. И поклонися, елико ти мощно.

Молитва Святей Живоначальной Троице

Всвятая Троице, Боже и Содетелю всего мира, поспеши и направи сердце мое, начать с разумом и кончать дела благими богодухновенными сия книги, яже Святый Дух усты Давидовы отрыгну, ихже ныне хочу глаголати аз недостойный. Разумя же свое невежество, припадая молюся Ти, и еже от Тебе помощи прося: Господи, управи ум мой и утверди сердце мое, не о глаголании устен стужати си, но о разуме глаголемых веселитися, и приготовитися на творение добрых дел, яже учуся, и глаголю: да добрыми делами просвещен, на судищи десныя Ти страны причастник буду со всеми избранными Твоими. И ныне, Владыко, благослови, да воздохнув от сердца, и языком воспую, глаголя сие:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Таже постой мало, дондеже утишатся вся чувства. Тогда сотвори начало не вскоре, без лености, со умилением и сокрушенным сердцем. Рцы сие: Блажен муж: тихо и разумно, со вниманием, а не борзяся, якоже и умом разумевати глаголемая.

На ко́ейждо «Сла́ве» глаго́лем:

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.

Аллилу́ия, аллилу́ия, аллилу́ия. Сла́ва Тебе́, Бо́же. Трижды.

Го́споди, помѣлуй. Трижды.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.



ПСАЛТИРЬ ПРОРОКА И ЦАРЯ ДАВИДА

КАФѢСМА ПѢРВАЯ

Псалом Давиду, не надписан у еврей, 1

Блажен муж, иже не иде на совет нечестивых, и на пути грешных не ста, и на сядалищи губителей не седе. ²Но в законе Господни воля его, и в законе Его поучится день и ночь. ³И будет яко древо, насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. ⁴Не тако нечестивии, не тако: но яко прах, егоже возметает ветр от лица земли. ⁵Сего ради не воскреснут нечестивии на суд, ниже грешницы в совет праведных. ⁶Яко весть Господь путь праведных, и путь нечестивых погибнет.

Псалом Давиду, 2

Вскую шаташася языцы, и людие поучишася тщетным? ²Предсташа царие земстии, и князи собрашася вкупе на Господа и на Христа Его. ³Расторгнем узы их и отвержем от нас иго их. ⁴Живый на Небесех